

Համագումարն ունեցաւ յանձնաժողովային և ընդհանուր բաղձաթիւ նիստեր, ուր քննութեան առնւեցին Հայաստանի բժշկա-առողջապահութեան վերաբերեող բոլոր սուր հարցերը: Ի վերջոյ, ընտրուեց կենտրոնական մարմին՝ Հայաստանի լուսագոյն բժշկիներէց:

Անընդհատ առաջ էր գնում և պետական կազմակերպական աշխատանքը, ինչպէս և երկրի տնտեսական վերականգնումը: Կառավարութիւնը առանձին ուշադրութիւն դարձրեց ժողովրդի ապրուստի միջոցների հայթայթման գործին. յունւ. 27-ին կազմուեց «Աերմանման Յատուկ Կոմիտէն», որ մեծ եռանդով վարեց սերմահաւաքման գործը՝ ամբարելով աւելի քան 350,000 փութ սերմացու: Փետրուարին 225 միլիոն ուրբլով վարկ բացուեց սերմացու գնելու համար: Մարտ 25-ին կառավարութիւնը հաստատեց այն պայմանները, որով զիւղատնտեսութեան նախարարութիւնը կատարելու էր սերմացուի բաշխումը. պետական պահեստներից սերմացու պիտի տրէր զիւղական համայնքներին, զիւղատնտեսական ընկերութիւններին, հասարակական ու պետական հիմնարկութիւններին, պետական պաշտօնեաների ընկերութիւններին ու հասարակական խմբակցութիւններին: Ստացած սերմացուն պիտի վերադարձւէր կալի ժամանակ՝ բերքով կամ դրամով:

Մինչև մայիսի սկիզբը կառավարութիւնը ժողովրդին բաժանեց 332,660 փութ սերմացու*), որից վարկ՝ 206,580 փ., ցորեն՝ 65,431 փ., կորեկ՝ 15,225 փ., չալթուկ (բրինձ)՝ 4,026 փ., հաճար՝ 2,677 փ., կաւաւատ՝ 1,300 փ., գետնախնձոր՝ 24,204 փ., եղիպտացորեն՝ 12,368 փ., բանջար՝ 534 փ., դանդար՝ 315 փ.: Ամենից շատ ստացաւ Կարսը՝ 76,855 փ., ապա՝ Շիրակը՝ 74,605 փ., Երևանի գաւառը՝ 52,372 փ., Ղարաքիլիսան՝ 46,932 փութ, իսկ ամենից քիչ Դարպազեազը՝ 732 փ.: Բացի այդ բաժանուեց 500 փութ բանջարանոցային սերմ, բամբակի ու ծխախոտի սերմ: Բամբակ ցանեց ընդամենը 1,517 դեսեստին, ծխախոտ՝ 61 դես.: Կառավարութիւնը հող, վարկ, գործիքներ ու սերմացու տրամադրեց դրսից՝ Սուխումի շրջանից եկած ծխախոտագործներին: 30 միլիոն ուրբլի յատկացուեց բամբակագործներին օժանդակութիւն հասցնելու համար, 15 միլիոն ուրբլի՝ այգեգործների համար:

Մարտ 1-ին Խորհրդարանը բաց արաւ 50 միլիոն ուրբլով վարկ զիւղատնտեսական գործիքներ գնելու համար: Բաթումից բերուեցին թրակտորներ, հնձելու և քամելու մեքենաներ, գութաններ, սերգատներ, այգեգործական ու մեղաբուծական գործիքներ, գերանդիներ, մանգաղ և այլն: Բերեց մեծ քանակութեամբ պղնձի արջասպ՝ այգիների համար: Գիւղատնտ. նախարարութեան կենտրոնական պահեստը իր բաժանմունքների միջոցով կատարում էր մեքենաների, գործիքների և նիւթերի բաշխումը երկրում:

Պակաս կարևոր դէպք էր և երգւեալ ատենակալների դատարանի բացումը, մարտ 15-ին: Դատական նիստի դահլիճը վարդարած էր եռագոյն ժապաւէններով: Ներկայ էին վարչապետ Ա. Սատիսեանը, արդարադատու-

*) Սերմանման շրջանի վերջում բաժանած սերմացուի գումարը հասաւ 375,000 փքի: